

SIARAN MEDIA

LARANGAN PEMANDUAN KENDERAAN BARANGAN (ROAD-BAN) DAN PENURUNAN HAD LAJU KEBANGSAAN BERSEMPENA SAMBUTAN PERAYAAN HARI RAYA AIDIL FITRI 2023

Sepertimana pelaksanaan pada musim perayaan setiap tahun, Kementerian Pengangkutan (MOT) melalui agensinya akan menyelaras pelaksanaan **Kempen Keselamatan Jalan Raya** bertujuan meningkatkan kesedaran orang ramai mematuhi peraturan-peraturan jalan raya seterusnya mengurangkan risiko berlakunya nahas jalan raya.

Dalam hubungan ini, penguatkuasaan **Larangan Pemanduan Ke Atas Kenderaan Barangan (Road-Ban)** akan dilaksanakan bersempena sambutan perayaan Hari Raya Aidilfitri pada 22 dan 23 April 2023.

Larangan ini akan dikuatkuasakan pada **20 dan 21 April 2023 (sebelum perayaan) serta pada 24 dan 25 April 2023 (selepas perayaan)** mengambilkira akan peningkatan trafik yang ketara khususnya bagi kenderaan persendirian yang pulang ke kampung halaman.

Tujuan utama *road-ban* ini adalah bagi mengelakkan kesesakan lalu lintas serta mengurangkan risiko nahas jalan raya akibat percampuran trafik antara kenderaan barangan dengan kenderaan persendirian. Perintah penurunan had laju kebangsaan juga akan turut dikuatkuasakan bersama-sama *road-ban* ini.

Menurut warta No P.U.(A) 123, *road-ban* dilaksanakan atas 7 jenis kenderaan barangan seperti tertera di bawah:

Tarikh Larangan	Jenis Kenderaan Barangan	Masa Larangan
20 April (Khamis) 21 April (Jumaat) 24 April (Isnin) 25 April (Selasa)	Lori pembawa dan lori jongket yang berat dengan muatannya melebihi 7,500 kg, lori pengangkut rendah, treler tiang, treler pelantar, lori balak, jentera berat beroda, trak tunda dan traktor (kecuali jentera berat beroda, trak tunda dan traktor yang digunakan bagi maksud operasi kecemasan dan menyelamatkan)	Sepanjang masa
	Lori yang berat dengan	Sepanjang masa



KEMENTERIAN PENGANGKUTAN

	muatannya melebihi 7,500 kg yang mengangkut simen, besi, keluli, batu, pasir, tanah, amang, bijih timah, arang batu atau bahan binaan atau bahan galian yang lain	
	Lori kontena yang mengangkut barangan (kecuali lori kontena yang mengangkut barangan dari pelabuhan atau lapangan terbang ke kawasan perindustrian di dalam negeri yang sama dan sebaliknya)	Dari 12.00 tengah malam hingga 8.00 pagi
	Lori kargo yang mengangkut barangan elektronik atau elektrik atau bahan industri kimia dari pelabuhan atau lapangan terbang ke kawasan perindustrian di dalam negeri yang sama dan sebaliknya	Dari 12.00 tengah malam hingga 8.00 pagi
	Lori yang mengangkut tandan buah kelapa sawit segar, produk kelapa sawit mentah, getah sekerap dan susu getah	Dari 12.00 tengah malam hingga 8.00 pagi
	Lori kargo tanpa muatan	Dari 12.00 tengah malam hingga 8.00 pagi
	Kren bergerak dan lori pembancuh simen (kecuali kren bergerak yang digunakan bagi maksud operasi kecemasan dan menyelamatkan)	Dari 6.00 petang hingga 6.00 pagi dalam jarak 25 km dari tapak pembinaan tertakluk kepada had masa operasi yang dibenarkan di atas jalan tertentu

Menurut Perintah Had Laju Kebangsaan (Pemberhentian Sementara) (No.2) 2023 P.U.(A) 118 bertarikh 13 April 2023 dan Perintah Had Laju Tempatan (Jalan Persekutuan) (Larangan Masa Tertentu) (No.2) 2023 P.U.(A) 119, had laju kenderaan motor diturunkan kepada 80 km sejam di seluruh Malaysia.

Jabatan Pengangkutan Jalan akan melaksanakan penguatkuasaan yang ketat di seluruh negara untuk memastikan pemandu mematuhi peraturan-peraturan yang ditetapkan demi mengurangkan risiko kemalangan jalan raya.



KEMENTERIAN PENGANGKUTAN

Kementerian Pengangkutan ingin mengucapkan Selamat Menyambut Hari Raya Aidilfitri kepada seluruh rakyat Malaysia dan menasihatkan semua agar sentiasa mematuhi peraturan jalan raya serta memastikan aspek keselamatan menjadi keutamaan semasa memandu.

"Pandu Cermat, Jiwa Selamat"

**KEMENTERIAN PENGANGKUTAN
MALAYSIA
14 APRIL, 2023**

-TAMAT-

Tentang MOT:

Kementerian Pengangkutan Malaysia bertekad untuk menjadi peneraju transformasi sistem pengangkutan yang bersepadu, efisien dan selamat dengan memperkasakan sistem pengangkutan berteraskan teknologi sebagai pemangkin pembangunan negara.

Pertanyaan Media:

Lu Wei Hoong
Press Secretary to Transport Minister
E-mail lwh@mot.gov.my

Kementerian Pengangkutan Malaysia
Unit Komunikasi Korporat

Tel +603 8892 1027 (Unit Komunikasi Korporat)
Faks +603 8892 0208
E-mel unitkomunikasikorporat@mot.gov.my